



Na osnovu člana 64. stav (1) tačka b), člana 70., a u vezi člana 32. stav (6) Zakona o javnim nabavkama („Službeni glasnik Bosne i Hercegovine“ broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH“ br. 29/18 i 25/20), na preporuku Komisije za javne nabavke od 31.8.2026. godine, Centralna izborna komisija Bosne i Hercegovine je na 53. sjednici održanoj 31.8.2026. godine, d o n i j e l a

O D L U K U **o izboru najpovoljnijeg ponuđača**

- (1) Okvirni sporazum za nabavku Lot 2: Ambalažni materijal (kartonske kutije) za biračka mjesta i skladište CIK-a BiH, dodjeljuje se ponuđaču „R&S“ d.o.o. Sarajevo.
- (2) Ponuda ponuđača iz stava (1) ove odluke zadovoljava sve uslove utvrđene u predmetnom otvorenom postupku.
- (3) Ponuđaču iz stava (1) ove odluke, će biti dodjeljen okvirni sporazum na ukupnu vrijednost u iznosu od 145.677,00 KM bez PDV-a, odnosno 170.442,09 KM sa PDV-om, na period do dvije godine.
- (4) Okvirni sporazum će se dodijeliti u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.
- (5) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na portalu Javnih nabavki, broj obavještenja: 794-1-1-152-3-17/26 od 23.06.2026. godine. Primljene su ponude slijedećih ponuđača „Emit“ d.o.o. Gračanica, „Primaprom“ d.o.o. Banja Luka i R&S d.o.o. Sarajevo.

U prvostepenom postupku donesena je Odluka o izboru najpovoljnijeg ponuđača za Lot 2: Ambalažni materijal (kartonske kutije) za biračka mjesta i skladište CIK-a BiH, a kao najpovoljniji izabran je ponuđač „Emit“ d.o.o. Gračanica. Na prethodno donesenu Odluku o izboru najpovoljnijeg ponuđača u predmetnom postupku javne nabavke ponuđači „Primaprom“ d.o.o. Banja Luka i „R&S d.o.o. Sarajevo“ su izjavili žalbe za Lot 1- ambalažni materijal (PVC vreće) za biračka mjesta i skladište CIK-a BiH. Žalbe su blagovremeno razmatrane od strane Komisije za predmetnu javnu nabavku, i u skladu sa zakonskim rokovima i potrebnim izjašnjenjima od strane Komisije za predmetnu javnu nabavku, žalbe su upućene Kancelariji za razmatranje žalbe na odlučivanje.

Prema Rješenju Kancelarije za razmatranje žalbi Bosne i Hercegovine broj JN2-01-07-1-1325-10/26 od 19.08.2026.godine, Lot 2: Ambalažni materijal (kartonske kutije) za biračka mjesta i skladište CIK-a BiH, žalbe žalitelja „Primaprom“ d.o.o. Banja Luka i „R&S d.o.o. Sarajevo“ su usvojene protiv Odluke o izboru najpovoljnijeg ponuđača broj 07-2-16-3-871-17/26 od 22.07.2026.godine, a predmet je vraćen Ugovornom organu na ponovno odlučivanje.

Komisija za javnu nabavku je u skladu sa Rješenjem Kancelarije za razmatranje žalbi broj JN2-01-07-1-1325-10/26 od 19.08.2026.godine, kojim je vraćen predmet Ugovornom organu na ponovni postupak, pristupila ponovnom pregledu i ocjeni ponuda te je jednoglasno konstatovala slijedeće:

Ponuđač „Emit“ d.o.o. Gračanica nije ispunio uslove koji su traženi predmetnom tenderskom dokumentacijom, a što potvrđuje i detaljno obrazlaže Rješenje Kancelarije za razmatranje žalbi broj JN2-01-07-1-1325-10/26 od 19.08.2026.godine, i isto je dostavljeno stranama u predmetnom postupku. Ponuđači „Primaprom“ d.o.o. Banja Luka i „R&S“ d.o.o. Sarajevo ispunjavaju kvalifikacione uslove tražene predmetnom tenderskom dokumentacijom.

U predmetnom postupku javne nabavke za Lot 2: Ambalažni materijal (kartonske kutije) za biračka mjesta i skladište CIK-a BiH je predviđeno ponovno provođenje e-aukcije, u skladu sa Pravilnikom o uslovima i načinu korištenja e-aukcije („Službeni glasnik BiH, broj 80/23“), koja je provedena dana 31.08.2026. godine u 10:15 sati.

Prema pisanoj informaciji Agencije za javne nabavke BiH od 31.08.2026. konstatovano je da je postupak predmetne nabavke „e-aukcijom“ završen, a u predviđenom terminu bili su pozvani da učestvuju u „E-aukciji“ slijedeći ponuđači „Primaprom“ d.o.o. Banja Luka i „R&S“ d.o.o. Sarajevo. Izvještaj o toku i završetku „e-aukcije“ u predmetnom nadmetanju sačinjen dana 31.08.2026.godine u 10:27 časova potvrđuje da je konačna rang lista ponuđača koji su učestvovali u „e-aukciji“ slijedeća: 1. „R&S“ d.o.o. Sarajevo sa konačnom cijenom od 145.677,00 KM bez PDV-a i 2. Primaprom“ d.o.o. Banja Luka sa konačnom cijenom od 146.000,00 KM bez PDV-a.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-871-52/26
Sarajevo, 31.08.2026. godine

*Prilog: Rješenje Kancelarije za razmatranje žalbi BiH
Broj: JN2-01-07-1-1325-10/26 od 19.08.2026.godine*

Dostavljeno:

1. Ponuđačima
2. Odsjeku za materijalno finansijske poslove
3. web stranicu CIK-a BiH
3. a/a

